

2025eko Berriatuko azokan parte
hartzeko oinarriak

BERRIATUAN AZAROAREN 22AN OSPATUKO DEN AZOKARAKO POSTUEN ESLEIPENERAKO
OINARRIAK

1- HELBURUA

Lea-Artibai eskualdean 1. sektoreak orokorrean eta lurreko produktuek izan duten eta daukaten garrantzia kontuan izanik, ezinbesteko jotzen da herritarrengana produktu hauek hurbiltzeko ekimenak aurrera eramatea.

Berriatuko udalak ulertzen du lehen sektorea garrantzitsua dela ekonomiarentzat, ingurumenarekiko errespetuarentzat, kontsumo jasangarriarentzat eta biztanleriaren osasunarentzat eta funtsezko sektore izanda, bere bideragarritasunean laguntzeko hainbat ekimen aurrera eramaten ditu, besteak beste, azokak.

2- APLIKATZEKO EREMUA

Oinarri hauek Berriatuko Udalak, 2025eko azaroaren 22an antolatuko duen azokan aplikatuko dira. Azokaren ordutegia, goizeko 10:00etatik arratsaldeko 14:00ak arte izango da. Azokaz gain, asteburuan ekintza ezberdinak burutuko dira.

Azokarako jarriko diren postuetan saldu ahal izateko alde zuzena lortu behar da udal baimena eta lortu ezean ezingo da parte hartu. BBKko 23 etxola egongo dira azokan baimena lortzen duten ekoizleentzat.

Azokan parte hartzen duten postuek ez dute lurraren erabileraren trukean inolako tasarik ordainduko.

3- BAIMENTZEN DIREN PRODUKTUAK ETA POSTUAK

- a. Baimenduta egongo diren produktuak izango dira osasuneko arriskurik sortzen ez dutenak, berezko autoritateen iritziz, eta noizbehinkako kaleko salmentarako indarrean dauden araudiak debekatzen ez dituztenak.
- b. 51/2024 DEKRETUA, apirilaren 30ekoa, hurbileko salmentaren bidez merkaturatutako elikagaien baldintza higieniko-sanitarioei eta trazabilitate-, etiketatze- eta publizitate-baldintzei buruzkoa.
- c. Legez eta araututa dauden bestelako baldintza guztiak bete beharko dira.
- d. Postuen kokapena antolatzaileak erabakiko du produktu mota, okupatzen duten espazioa eta momentuko egoera eta baldintzen arabera, beti ere aukeren berdintasuneko irizpidea kontuan hartuko delarik.

4- EKIMENETAN PARTE HARTZEKO BETE BEHARREKO BALDINTZAK

4.1. ELIKAGAIEN SALMENTARAKO POSTUAK

- Udal baimena izatea.
- Salgai jartzen diren produktuak norberak ekoiztuta izan behar dira. Ez da birsalmentarik onartzen.
- Bere jarduera ekonomikoagatik dagozkion jarduera ekonomikoko epigrafean eta gizarte segurantzaren alta emanda egotea eta ordainketetan egunean egotea.
- Indarrean dagoen araudiaren arabera nekazaritzako sailak daukan erroldan alta emanda egotea.
- Merkaturatzen dituen produktuen arabera berezko araudiak ezartzen dituen baldintza higieniko sanitarioak eta bestelakoak betetzea.
- Ekimena gauzatzen den egunean salmenta justifikatzen duen agiria jaurtitzeko gaitasuna (salmentako agiria edo tiketa).
- Ontziratutako produktuen kasuan ustiakuntza edo eraldatzeko zentroaren kodearekin identifikatzea.
- Salduko diren produktuak arautzen dituzten baldintza higieniko sanitarioak eta bestelako arauak (mantenimendu, garraio eta manipulatzekoak besteak beste) ezagutu eta betetzen dituela aitortzea bere erantzukizun bakarraren pean.
- Autonomo edo mikroenpresa izatea Europako Batzordearen 651/2014 (EB) Erregelamenduaren I. eranskinean ezarritako irizpideak jarraituz.

4.2. ARTISAUAK

Artisauak ere eskari orria bete beharko dute azokan parte hartzeko. Ekonomia Jardueren gainera Zergan eta gizarte segurantzaren alta emanda egon beharko da derrigorrez eta aurkeztu egingo da. Aintzat hartuko da erregistro-errolda edo artisau txartela edukitzea. Lekuaren muga kontutan hartuta esleitu behar dira postuak eta antolatzaileen esku gelditzen da erabakia.

4.3. ANIMALIAK

Animalien kasuan, herriko animaliek lehentasuna izango dute. Parte hartu nahi duten abeltzainek euren eskari orria aurkeztu beharko dute dagokien dokumentazioarekin.

Animaliak dakartzatenek dietak jasoko dituzte:

6 hilabetetik gorako behiak: 125 euro buruko

Idiak: 200€ bikotea.

6 hilabetetik gorako zaldi, behor, mando, asto eta poniak: 60 euro buruko

6 hilabetetik gorako ardiak: 120 euro aldrako (aldrak: 7 ardi + aharia)

6 hilabetetik gorako ahuntzak: 120 euro aldrako (aldrak: 7 ahuntz + akerra)

Txerriak: 150 euro aldrako (aldrak: ama eta kumeak edo 2 txerri eme eta 1 ar)

Euskal arrazako etxe abereak:

Oilo, untxi, antzar, ahate eta ahuntzak bikoteko: 50 euro. (bikotea: emea + arra).

Euskal artzain txakur bakoitzeko: 20 euro.

Animalien dieten kasuetan garraioa eta animaliei egin beharreko analisiak sartuta daude, hots, norberak egin behar ditu. Honen koordinazioa antolakuntzak egingo du.

Erakusketan parte hartzen duten behi, txahal, idi zein zaldi, behor, mando, asto eta poniak sokan lotuta egon beharko dira derrigorrez. Jendeak ikusteko moduan egon beharko dira 10:00etatik 14:00ak arte.

Osasun gaietan indarrean dauden arauak eta Bizkaiko Foru Aldundiko Abeltzaintzako zerbitzuak eskatzen dituen arauak bete beharko dituzte. Besteak beste, IBR analisiak azokaren aurretik edo ostean, Bizkaiko Foru Aldundiak adierazten duen eran.

Arau hauek ez betetzeak dietak jasotzeko eskubide gabe geratzea ekarriko du, antolatzaileen esku geratzen da dietak eman barik uzteko eskubidea, erabaki honen aurka ez da helegiterik onartuko.

Animalien jabe bakoitzak nahi beste animalia ekar ditzake baina, abere klase bakoitzeko gehienez 4 bururen edo loteren dietak kobratuko ditu. Txakurren kasuan gehienez, 2 txakurrengatik kobratuko da.

Aurkeztu beharreko dokumentazioa:

- Animalien banan banakako identifikazio ofizialaren fotokopia
- Bankuko kontu korronte zenbakia
- Ustiapen txartelaren fotokopia.
- Ustiapeneko jabearen NANaren fotokopia.
- Azoka egunean Jatorri eta Osasun Agiria (Guía de Origen y Sanidad pecuaria)
- Urteko analisiak (behi eta ardietan).
- Dagozkion bestelako analisiak (IBR) aurkeztu beharko da, BFAtik hala eskatzen den kasuetan.
- Zaldien kasuan, zaldijendea identifikatzeko liburua.

Antolakuntzak goian aipatutako animaliez gain, herrian dauden edo eta herrian ez dauden bestelako animaliak ekartzeko aukera aztertu ahal izango du, beti ere, azokan animalia klase gehiago erakusteko helburuarekin.

4.4. BESTE ERAKUNDEAK

Herriko irabazi asmorik gabeko erakundeentzat ere tokia egongo da, egun horretako jardunetik jasotzen duten diruaren helburua herriko hezkuntza, ongizate, kultura eta/edo kirola bultzatu edo laguntzea izango da.

5- ESKARIA EGITEKO DOKUMENTAZIOA ETA EPEA

Baimena eskatzeko ondoko agiriak aurkeztu beharko dituzte interesdunek:

Elikagaien salmenta postua nahi dutenek:

- Eskakizun eredua beteta eta sinatuta. (1. Eranskina). www.landagarapenaleaartibai.eus helbidean, dagokion azokaren atalean, eskuragarri izango da.
- Eskakizun orrian adierazten den dokumentazio gehigarria

Artisauen postua nahi dutenek:

- Eskakizun eredua beteta eta sinatuta. (2. Eranskina). www.landagarapenaleaartibai.eus helbidean, dagokion azokaren atalean, eskuragarri izango da.
- IAEEn alta.
- Gizarte segurantzaren alta.

Herriko taldeek:

- Eskakizun eredua beteta eta sinatuta. (3. Eranskina). www.landagarapenaleaartibai.eus helbidean, dagokion azokaren atalean, eskuragarri izango da.

Animaliak ekarri nahi dutenak:

- Eskakizun eredua beteta eta sinatuta. (4. Eranskina). www.landagarapenaleaartibai.eus helbidean, dagokion azokaren atalean, eskuragarri izango da.
- Animalien atalean adierazten den dokumentazio gehigarria.

Eskariak egiteko epea urriaren 14tik 24ra izango da, biak barne.

Eskariak Lea-Artibaiko Landagarapen alkartearen bulegoan emango dira astelehenetik ostiralera, 9:30etatik 14:00etara bitartean edo eta emailaz imendizabal@leartibaifundazioa.eus helbidean.

6- PROZEDURA

Behin eskakizunak jaso ostean udalaren eskumena daukan organoak ebatziko du baimena ematea edo ukatzea.

Erabaki hau hartzeko udalak, horrela uste badu, beharrezkoak ikusten dituen txostenak eskatu ahal izango dizkio egoki irizten dien entitateei.

Udal ebazpena (aldekoa zein kontrakoa izan) idatziz komunikatuko zaie interesdunei eta bertan ondoko informazioa jasota geldituko da:

❖ Ebazpena aldekoa izanez gero.

- Baimendutako eskatzaile titularren identifikazioa
- Kokapena eta instalakuntzaren ezaugarriak
- Salmenta egin ahal izateko eguna eta ordutegia
- Baimenaren iraupena.
- Bete beharreko baldintzak, hala balegokio.

OHARRA: Baimen eta agiriak eguneratuak izatea derrigorrezkoa da, ekimenaren datak eta aurkeztutako agirien datak bat etorri behar dute.

Baimen honek behartu egiten du titularra jarduera hori modu pertsonalean garatzeko, zuzenean edo behar den bezala baimendutako langileen edo laguntzaileen bidez.

Ekimena gauzatuko den egunean postua identifikatuta egongo da antolatzaileak emandako edo onartutako euskarriekin. Euskarriak beti kontsumitzaileek ondo ikusteko moduan eduki behar dira postuetan.

Baimenak eskumeneko izaera daukate eta beraz udalak kendu ahal izango ditu horrela egoki ikusten badu emateko arrazoiak aldatu edo betetzen ez direnean. Kentze honek ez du kalte-ordainik erakarriko.

❖ Ebazpena kontrakoa izanez gero:

- Eskatzaile titularren identifikazioa.
- Eskaeraren balorapenean jasotako puntuazioa eta berak eskatutako arloan izandako ebaketa-puntuazioa.

7- POSTUAK ESLEITZEKO IRIZPIDEAK

Ekimen bakoitzak dauzkan ezaugarriak kontuan hartuta produktu ezberdin bakoitzaren saltzaile kopurua mugatua izango da.

Lehentasunak erabakitzeko eta eragileak esleitzeko momentuetarako ondoko irizpideak erabiliko ditu Berriatuko udalak, gehienez 32,5 puntu lortu daitezkeelarik. Produktu mota baterako puntuazio berdina lortuz gero, produktu mota bereko postuen arteko zozketa bidez esleitu da postua.

7.1. ELIKAGAIEN SALMENTARAKO POSTUAK

- Euskal Erkidego Autonomoko kalitateko marka babestuak (Zigilu ekologikoa, Eusko Label, Idiazabal Jatorri Deitura, Bizkaiko, Txakolina Jatorri Deitura, Euskal baserri,...): 5 puntu izendapen bakoitzagatik. Gehienez 15 puntu lortu ahal dira.
- Elaboratutako salgaien kasuan, nork bere etxaldean sortutako lehengaiak erabiltzeagatik: 5 puntu.
- Elaboratutako salgaien kasuan baimendutako instalazio propioak dauzkaten ustategiak: 5 puntu
- Titularra emakumea izatea: 5 puntu (sozietateen kasuan, modu proportzionalean puntuatuko da).
- Produktuak garraiatzeko ibilgailu elektriko edo hibridoa erabiltzea: 2,5 puntu
- Jasangarritasuna eta kutsadura ekiditeko helburuarekin, ekimena egingo den puntutik produktuaren jatorria daukan zentrorainoko kilometro bakoitzeko distantziagatik (beti ere errepide-saretik neurtua): minus 0,1 puntu. Gehienez 10 puntu kendu daitezkeelarik.

7.2. ARTISAUAK, BESTE ENTITATEAK ETA ANIMALIAK

Lekua baino eskari gehiago egongo balira antolaketa batzordeak erabakiko du zeintzuk eskatzaile izango diren esleituak herrian duten eraginaren irizpideen arabera.

8- SALTZAILEEN ESKUBIDEAK ETA BETEBEHARRAK

8.1. ESKUBIDEAK

Salmenta egiteko udal baimena jasoko duten pertsonak ondoko eskubideak daukate:

- Baimendutako salmenta-postuak betetzea.
- Jendaurrean eta modu baketsuan jardutea, ezarritako ordutegian eta baldintzetan.
- Tokiko agintarien babesa jasotzea.
- Azokaren funtzionamendua hobetzeko egoki deritzen erreklamazio eta iradokizunak aurkeztu

- Baimenaren titularraren identifikazio-txartela jasotzea, baimenaren funtsezko datuak adierazten dituen.
- Merkatua bertan behera geldituz gero, baimenaren titularrak lehentasun-eskubidea izango du ordezeko merkatuan baldin eta antolatzen bada.

8.2. BETEBEHARRAK

Salmenta egiteko udal baimena jasoko duten pertsonak ondoko betebeharra daukate:

- Azokako hizkuntza eta lehen hitza: herritarrentzako arreta euskaraz emango da, horretarako lehen hitza euskaraz egingo da. Hala ere, herritarrek edozein unetan erabili ahal izango dute hizkuntza aukeratzeko eskubidea. Komunikazio-euskarrietan euskara bermatuko da (erakustokietako kartelak, errotuluak eta informazio orokorreko elementuak). Ekoizleak horretarako gaitasunik ez duen kasuetan udaleko laguntza jaso ahal izango du.
- Ekoizle bakoitzak bere produktua baino ezin izango du saldu, bere ustiatzean edo baimen sanitarioa daukan establezimendu baten ekoiztutakoak izan behar dute.
- Saltzaile bakoitza produktu motagatik aukeratua izan denez, eskarian adierazten diren produktuak bakarrik ahal izango ditu saldu.
- Egokitu zaion postua eta espazioa baino ez okupatu.
- Emandako identifikazioaren euskarriak edonork ondo ikusteko moduan edukitzea, bai kontsumitzaile zein udal agintaritzarentzat. Betebehar hau ez betetzeak postuaren altxatzea erakarri dezake eta baita ere, horrela badagokio, zigorra ezartzeko espedienteak hastera.
- Momentu guztietan indarrean dagoen araudia errespetatu
- Merkaturatzen diren produktuen informazioa eta euren prezioak, eta ekoizleak identifikatzeko kontsumitzaileak behar duen informazioa ondo ikusteko moduan eduki denbora guztian. Produktuen prezioak argi eta errakuntzara ez eroratzeko moduan egongo dira kartel edo etiketen bidez.
- Erreklamazio orriak eskuragarri edukiko dituzte eta hori adierazten duen orria ikusgai.
- Eskaintzen dituzten produktuak neurtu edo pisatzeko araututako baskula edo neurgailua eduki
- Hotza eskatzen duten produktuak egokiak diren hozkailuetan gordeko dira eta egoki dagokion tenperaturan, bai salmenta unean eta baita garraioan ere.
- Ezin dira elikagaiak eta euren kutxak lurrarekin kontaktuan izan.

- Erosleek eskatuz gero salmentako agiria egiteko beharrizana (faktura edo tiketa). Bertan ondoko datuak agertuko dira:
 - Datu pertsonalak
 - NAN edo IFK
 - Egoitzaren helbidea
 - Data
 - Produktua
 - Prezioa
 - Kantitatea
- Sortutako hondakinak biltzen joango dira eta salmentako ordutegia amaitzen denean prestatutako puntuetara eramango dira eta postua eta bere ingurua txukun utzi beharko ditu.
- Hasteko eta amaitzeko ordutegia errespetatuko da eta bitartean ezin izango da ibilgailurik salmenta esparruan sartu
- Ekimenak irauten duen artean derrigorrean bete beharko dira begirune, txukuntasun eta garbitasun baldintzak. Saltzen dagoenak garbi egon behar du, baita ere aldean daramatzan arropak eta jarduerarako behar dituen tresnak.
- Produktua zatitzea baimenduta dagoen kasuetan derrigorrezkoa izango da salmenta-puntu horretan edangarria den ura egotea. Posiblea dute txorrodun ur-biltegiak, xaboi likidoa eta paperezko erabilera bakarreko zapiak edukitzea.
- Ontziratu gabeko produktuak produzitzen dituzten ekoizle guztiek eduki beharko dute Elikadura Higiene arloko Prestakuntza jaso dutela egiaztatzen duen Norbanako Ziurtagiria eguneratua, ortuari eta fruta kasuak ezean.
- Elikagaiak ondo ordenatuta jarriko dira ikusgai, sailkatuta eta banan, bakoitzak bere ezaugarri bereziei eusteko eta usainak, zapore arraroak eta kutsadura ekiditeko
- Azoka amaitzen denean, salmenta-postua eta ingurua garbi eta txukun utzi beharko dute. Zoladurari, arbolei edo jabetza publikoko ondasunei kalteren bat eraginez gero eurek izango dira kalteak konpontzearen erantzule. Horretaz gain, euren jardueraren ondorioz hirugarren bateri edo batzuei kalte edo galeraren bat sortuz gero (pertsonei edo euren ondasunei) kalte edo galera horien erantzule be izango dira. Beraz dagokien erantzun zibileko aseguruia eduki (eta hori horrela dela egiaztatu) beharko dute.
- Etorkizunean indarrean egon daitezkeen araudiak betetzeko betebeharra, nahiz eta araudi honetan jaso barik egon.
- Ekoizpen zentroak ikuskatuak izateko erraztasunak eman.

9- ZIGORTZEKO ERREGIMENA

Udalak zainduko du araudi honetan jasotako betebeharrak betetzea.

Bere eskumenen arabera udalak produktuak eta postuak ikuskatu ahal izango ditu eta horiei buruzko informazioa eskatu.

Saltzeko ipintzen diren produktuak osasun edo segurtasunerako arriskua ekarri badezakete, iruzurrekoak badira, faltsuak badira, identifikatu barik badaude edo saltzeko gutxienekoak ez badira betetzen espedientea zabaltzea erakarri dezakete eta produktuak kentzea ere bai.

Beste entitate eta instituzioek dauzkaten zigortzeko eskumenetatik aparte agirian gelditzen diren faltak udalak zigortu ahal izango ditu, araudi honek ezartzen duenaren arabera.

Indarrean dagoen prozedura administratiboak arautzen du zigorrak ezartzea eta errekurtsioak ipintzea ere bai.

Udal baimena daukaten titularrak dira bere postuak okupatzen duten kideen falta eta arau ez betetzearen erantzuleak

9.1. ARAUAK EZ BETETZEA

Ez betetzeak arinak eta larriak ahal dira izan

- Arinak: araudi honetan jasotako baldintzak ez betetzea baina kontsumitzaileentzat kalte ekonomiko edo osasuneko eraginik ez daukatenak
- Larriak:
 - Arau hauste sanitario larriak eta pertsonen osasuna arriskuan ipintzen dituztenak.
 - Kontsumitzaileei eragin larriak sortzen dizkienak
 - Ordena ekonomikoa apurtzen dutenak

9.2. ZIGORRAK

Arau hauste arinak: Abisua edota 1.500 €tarainoko isuna.

Arau hauste larriak: 9.000 €tarainoko isuna edota hurrengo 4 ekimenetan berriro parte hartzeko eskubidea galtzea.

Espediente ebatzi behar duenak produktuen konfiskatzea ere erabaki dezake, faltsuak izateagatik edota identifikazio barik egoteagatik.